

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI - KANTON
OPĆINA DOBOJ JUG
OPĆINSKO VIJEĆE DOBOJ JUG
Broj:
Datum:

N A C R T

O D L U K A

O IZVRŠENJU BUDŽETA OPĆINE DOBOJ JUG

ZA **2017.** GODINU

DOBOJ JUG,

BOSNA I HERCEGOVINA
FEDERACIJA BOSNA I HERCEGOVINA
ZENIČKO-DOBOJSKI KANTON
OPĆINA DOBOJ JUG
OPĆINSKO VIJEĆE

Na osnovu člana 26.Zakona o budžetima u FBiH ("Sl.novine FBiH "br:102/13,9/14,13/14 i 8/15) te člana 23 i 111. Statuta općine Doboj Jug ("Sl.glasnik općine Doboj Jug br.03/08), Općinsko vijeće na svojoj tridesetoj sjednici VI saziva održanoj dana
2016.g. d o n o s i ,

O D L U K U

o izvršenju Budžeta općine Doboj Jug za 2017. godinu

I OPĆE ODREDBE

Član 1.

Ovom odlukom se uređuje način izvršenja Budžeta općine Doboj Jug za 2017. godinu (u daljem tekstu Budžet) upravljanje prihodima i izdacima Budžeta, te prava i obaveze korisnika budžetskih sredstava.

Član 2.

Opći dio Budžeta se sastoji od bilansa prihoda i izdataka, a poseban dio sadrži detaljan raspored izdataka po budžetskim korisnicima i vrsti izdataka.
U bilansu prihoda i izdataka iskazuju se porezni i neporezni prihodi i drugi primici, te izdaci utvrđeni za finansiranje javnih potreba na nivou općine Doboj Jug (u daljem tekstu općina) na osnovu zakonskih i drugih propisa.

II IZVRŠENJE BUDŽETA

Član 3.

Sredstva budžeta osiguravaju se budžetskim korisnicima koji su u posebnom dijelu Budžeta određeni kao korisnici sredstava po pojedinim pozicijama.
Korisnici Budžeta sredstva Budžeta koriste samo za namjene koje su određene Budžetom i to do visine utvrđene u njegovom posebnom dijelu.

Član 4.

Budžetski korisnici sredstva Budžeta koriste u skladu sa svojim godišnjim planom, a po dinamici utvrđenoj mjesečnim planovima.

Član 5.

Prilikom ugovaranja uslova za ispunjenje obaveza iz Budžeta, korisnici Budžeta su dužni uzimati u obzir utvrđenu dinamiku priliva i odliva sredstava.

Član 6.

Postupak nabavke investicionih dobara i usluga mora se obavljati u skladu sa Zakonom o javnim nabavkama ("Sl.glasnik BiH" br.39/14)

Član 7.

Budžet se izvršava na osnovu tromjesečnih planova za izvršenje Budžeta, a u skladu sa raspoloživim sredstvima čime se ujedno utvrđuje dinamika izvršenja Budžeta.

Općinske službe koje u svom budžetskom razdjelu sadrže potrošačke jedinice-glave, budžetski su za njih nadležne.

Općinske službe koje su nadležne za budžetske korisnike utvrđuju računске tromjesečne planove, izvršenja izdataka po svojim korisnicima u okviru odobrenih sredstava iz stava 1.ovog člana.

Član 8.

Načelnik općine u slučaju neusklađenog priliva sredstava u Budžet općine može utvrditi da se Budžet izvršava prema mjesečnim planovima izvršenja.

Član 9.

Korisnici Budžeta su dužni Načelniku općine, odnosno Službi za budžet finansije i privredu dostavljati mjesečne finansijske planove za izvršenje Budžeta deset (10) dana prije početka mjeseca, a u okviru odobrenih sredstava Budžeta, kao i izvještaje o utrošku sredstava Budžeta.

Ako korisnik Budžeta ne podnese prijedlog mjesečnog plana u roku iz predhodnog stava ovog člana plan izvršenja za tog korisnika utvrđuje Pomoćnik načelnika Službe za urbanizam,katastar,finansije i privredu, po odobrenju Načelnika općine.

Član 10.

Neurošena sredstva po pojedinim stavkama izdataka iz tromjesečnog plana izvršenja, prenose se na iste stavke u planu izvršenja Budžeta za slijedeći period u okviru budžetske godine.

Član 11.

Izuzetno, izdaci koji nisu predviđeni tromjesečnim planom izvršenja Budžeta ili izdaci koji zahtijevaju prekoračenje pojedinih stavki u tromjesečnom planu za izvršenje Budžeta, mogu se podmiriti uz saglasnost Načelnika općine.

Izdaci iz predhodnog stava ovog člana u hitnim slučajevima mogu se podmirivati iz sredstava tekuće budžetske rezerve. Načelnik općine u hitnim slučajevima može raspolagati sredstvima tekuće budžetske rezerve do iznosa od 34.867,00 KM.

Načelnik općine, odnosno Služba za urbanizam,katastar,finansije i privredu dužni su izvještavati Općinsko vijeće o raspolaganju sredstvima iz predhodnog stava ovog člana.

Član 12.

Osnovicu za obračun plaća, kao i visinu dnevnice za službeni put i druga lična primanja za sve korisnike Budžeta, utvrđuje Načelnik općine svojim rješenjem a u skladu sa propisima Federacije BiH i ZDK.

Član 13.

Sav prikupljeni i naplaćeni javni novac koji pripada Budžetu općine obavezno se uplaćuje na depozitni račun Budžeta.

Član 14.

Pogrešno ili više uplaćeni općinski neporezni prihodi u Budžet vraćaju se uplatiocima na teret tih prihoda, na osnovu rješenja i odobrenja Pomoćnika načelnika Službe za urbanizam, katastar, finansije i privredu.

Član 15.

Sredstva Budžeta utvrđena prema razdjelima, glavama i pozicijama u vidu transfera-grantova koriste se prema aktima koje donosi i odobrava Načelnik općine, cijeneći opravdanost podnesenog zahtjeva tražioca.

Član 16.

Za izvršenje Budžeta općine, u cjelosti je odgovoran Načelnik općine, kao Izvršni organ općine.

Naredbodavac za izvršenje Budžeta općine u cjelini je Načelnik općine kao rukovodilac izvršnog organa uprave.

U izuzetnim slučajevima za vrijeme odsutnosti Načelnika općine, korištenje sredstava iz Budžeta općine odobravaće lice određeno odredbama Statuta općine Doboju Jug.

Član 17.

Nadzor nad finansijskim, materijalnim i računovodstvenim poslovanjem korisnika Budžeta, te nad zakonitom i namjenskom upotrebom budžetskih sredstava obavlja Služba za urbanizam, katastar, finansije i privredu općine.

Član 18.

Za svako korištenje sredstava Budžeta nosioci potrošnje budžetskih sredstava, dužni su u svojim aktima navesti broj i naziv pozicije Budžeta.

Član 19.

Ova odluka stupa na snagu danom donošenja i biće objavljena u Službenom glasniku Doboju Jug, a primjenjivat će se od 01.01.2017.godine.

Predsjedavajući Općinskog vijeća

O B R A Z L O Ž E N J E

I PRAVNI OSNOV

Pravni osnov za donošenje ove odluke sadržan je u odredbama Zakona o budžetima u Federaciji BiH (Sl.Novine F BiH br.102/13,9/14,13/14, i 8/15)

II OBRAZLOŽENJE PRAVNIH RJEŠENJA

Odredbama ove Odluke uređuje se način izvršenja Budžeta općine Doboj Jug za 2016. god.a u skladu sa odredbama Zakona o budžetima u F BiH (Sl.Novine 102/13).

Odlukom se propisuje izrada tromjesečnih planova izvršenja Budžeta i rokova izrade tih planova (članovi 7. do 9.)

Članom 11. se utvrđuje način korištenja sredstava budžetske rezerve,ovlaštenja za korištenje tih sredstava,kao i obaveze izvještavanja o njenom korištenju.

- Članom 12.utvrđeno je za sve korisnike koji koriste Budžetska sredstva za isplatu plaća i ostalih primanja da se primjenjuje ista osnovica koja se primjenjuje za Federalne, Kantonalne i Općinske organe uprave.
- Sredstva planirana kao transfer kod svih nosioca budžetske potrošnje se koriste prema programima i kriterijima koje odobrava Načelnik općine (članovi 15. i 16.)

Nadzor nad provođenjem ove Odluke vršit će Služba za urbanizam,katastar,finansije i privredu (član 17.)

Obradivač:
Služba za urbanizam,katastar,finansije i privredu
Pomoćnik načelnika
Šahbegović Melisa,dipl.pravnik

Predlagač:
Općinski načelnik:
Mirnes Tukić,dipl.oecc